

## Արամ Վարդևանյան

/իրավաբանական գիտությունների թեկնածու/

Մեռը՝ արական

Տարիքը՝ 25-40

Ընդհանուր աշխատանքային ստաժը՝ 8

Ընդհանուր իրավաբանական ստաժը՝ 8

Հիմնական օրենսդրական բացը կալանքի այլընտրանքային միջոցի բացակայությունն է: Այլընտրանքային խափանման միջոցները, որնիցե բացասական հատկանիշ չեն կարող ընդգծել, քանի որ միջազգային փորձում Հայաստանի Հանրապետությունը կարծես միակ երկիրն է, որ մնացել է, որը բացառապես կալանավորումն է կիրառում որպես խափանման միջոցի հնարավորություն: Օրենսդրությամբ կիրառումն էլ նույնիսկ մեր օրենսդրության գործող կարգավորումների դեպքում կարող է կիրառվել բացառապես կալանավորման քննության միջնորդության շրջանակներում, այսինքն՝ այլ կերպ ասած չկալանավորված անձի նկատմամբ գրավ չի էլ կարող կիրառվել, որը նույնիսկ այդ պարագայում կարող էր արդյունավետ այլընտրանքային միջոց համարվել: Իսկ բացասական կողմը այլընտրանքային խափանման միջոցների գոյություն չունի: Այսինքն՝ միակ տրամաբանական բացասական կողմը կարող է լինել հնարավոր փախուստի, չներկայանալու ռիսկը, որն էլ միանշանակորեն միջազգային փորձը ցույց է տալիս, որ շատ հեշտ է և կարելի է լուծել տեխնիկական համապատասխան սարքավորումների միջոցով: Հետևաբար այլընտրանքային խափանման միջոցների բացասական կողմ էս չեն տեսնում: Այսինքն՝ բոլոր այլընտրանքային խափանման միջոցները, բոլորն էլ դրական են: Նույնիսկ այն իրավիճակներում, որ մենք հիմա ենք գտնվում, ցանկացած այլընտրանքային միջոց լինելու է բացառապես դրական:

Կալանքի որոշում ստանալու համար հիմքերը պետք է հստակ լինեն: Ենթադրություններ պետք է չլինեն, պետք է հստակ ապացույցներ լինեն քրեական դատավարության օրենսգրքի 135-րդ հոդվածի հիմքերի տեսանկյունից: Այսօրվա օրենսդրությունը, նաև Վճռաբեկ դատարանի նախադեպային որոշումները թույլ են տալիս ենթադրությունների մակարդակում ներկայացնել, այսինքն՝ հնարավոր ապացույցների կանխատեսման մասին ենք մենք խոսում, ինչը որևէ կերպ պետք է ընդունելի չլինի: Այսինքն, եթե ներկայացվում է հնարավոր խնդիր, որ անձը կարող է փախուստի դիմել, պետք է դրա վերաբերյալ լինի ապացույց: Եթե խոսվում է նրա մասին, որ անձը կարող է խոչընդոտել, պետք է լինի դրա վերաբերյալ ապացույց: Այսինքն՝ ձայնագրություն առ այն, որ անձը մեկ այլ անձի, ով գործով վկա է հանդիսանում, հորդորում է, որ վերջինս հանկարծ ցուցմունք չտա: Այդ պետք է լինի ապացույցը և հիմքը որպեսզի կալանավորման խափանման միջոց ընտրվի, այլ ոչ թե ենթադրությունները, որ անձը, ըհը, հնարավոր է խոչընդոտի, հնարավոր է թաքնվի: Մենք այդ ենթադրությունների մակարդակից պետք է անցնենք կոնկրետ ապացույցների, որի ապացուցման պարտականությունը, իհարկե, պետք է կրի նախաքննական մարմինը:

Այսպես թե այնպես, ի վերջո, կալանավորումը վերածվում է պատժիչ տարր կրող մի երևույթի Հայաստանի Հանրապետությունում, որը կրկին պայմանավորված է նրանով, որ մենք օրենսդրական լուրջ սահմանափակ կարգավորումներ ունենք, որոնք էապես պետք է վերանայվեն, էապես պետք է բարեփոխվեն: Դե, իհարկե, դա որոշակի օբյեկտիվ հավելյալ ծախսեր են պարունակում՝ պահանջելով Հայաստանի Հանրապետության կառավարությունից, բայց, ես կարծում եմ, մենք դրա այլընտրանքը չունենք: Տեսեք, մենք դեպքեր ունենք, որ անզգուշությամբ կատարված հանցագործության համար, անզգուշությամբ կատարված, շեշտում եմ, խափանման միջոց է ընտրվում կալանավորումը: Անձը կալանավորման ընթացքում գտնվում է, ենթադրենք, Նուբարաշեն քրեակատարողական հիմնարկում, բայց այն ժամանակ, երբ վերջինիս նկատմամբ պատիժ է նշանակվում, այն կրվում է լրիվ այլ դատավարական

և քրեակատարադատական հստակ ռեժիմ պարունակող քրեակատարողական հիմնարկում՝ կիսափակ, կիսաբաց ռեժիմ պարունակող քրեակատարողական հիմնարկում: Այսինքն՝ անձը ավելի խիստ իրավիճակում է հայտնվում նախաքննական փուլում, իսկ պատժի կրման փուլում ավելի մեղմ: Սա ինքնին արդեն իրավական անոմալիա է, որը մինչ օրս, իհարկե, լուծում չի ստացել և երկար տարիներ այսպես արդեն ձևավորվել են: Սա իհարկե նաև իրավական ավանդույթի տեսանկյունից գնահատելու մասով պետք է օբյեկտիվորեն նշել, որ խնդիրը օրենսդրության մեջ է: Այնպես չէ, որ կարող են ընտրել այլ խափանման միջոց: Ստորագրություն չհեռանալու մասին խափանման միջոցը, ըստ էության, իհարկե շատ նվազ իրավական ապահովագրում է տալիս նախաքննական մարմնի համար: Այսինքն՝ կալանավորման այլընտրանք գոյություն չունի: Օրինակ՝ տնային կալանք մենք մինչ օրս չունենք: Մենք մարդուն պարտադիր պետք է տեղափոխենք քրեակատարողական հիմնարկ: Դժվար է ասել՝ ինչու չունենք: Բայց չունենք, փաստն է այդպես: Չկա ազատության սահմանափակումը, որ անձը ասենք X ծավալով միջավայրից չի կարող դուրս գալ: Դա տնային կալանքի տեսակն է: Չունենք: Օրենսդրությամբ չկա մինչ օրս:

Պատժի նպատակ ունի, անխուսափելիորեն: Իմ բերած օրինակի դեպքում այլ կերպ լինել չի էլ կարող լինել: Միանշանակ այդպես է ստացվում:

Պատկերացրեք, ամենահայտնի դեպքը, որը բոլորը տեսել են, նկատել ենք, դա Վարդան Պետրոսյանի հայտնի գործն էր: Կալանավորումը վերածվեց պատժիչ միջոցի, որը կրկին պայմանավորված է նրանով, որ օրենսդրական լուրջ սահմանափակ կարգավորումներ ունենք, որոնք պետք է վերանայվեն, բարեփոխվեն, այլ երկրների փորձը կիրառվեն: Կալանավորումներն էլ է ծախսեր պահանջում, այլընտրանքային խափանման միջոցների նորովի կրառությունն էլ, գուցեն ավելի ծախսեր է պահանջում Հայաստանի Հանրապետության կառավարությունից, բայց, ես կարծում եմ, դա ժամանակի հրամայականն է, այլընտրանքը չունենք: Տեսեք, մենք դեպք ունենք, որ անզուգույնությամբ կատարված հանցագործություն էր Վարդան

Պետրոսյանի պարագայում, ճանաչված մարդ, դիտավորություն չկա, անզուգուշությամբ կատարված հանցանք: Խափանման միջոց ընտրվեց կալանավորումը: Բա սա պատժի նպատակ չէր հետապնդո՞ւմ: Նվաստացուցիչ պայմաններում, անձը նվաստացնող պայմաններում: Հետագայում պատիժը կրելու պայմանները անհամեմատ ավելի թեթև էր, քան նախնական կալանքի դեպքում:

Իհարկե ամենակարևորը, որ հիմնավորված լինեն, ենթադրություններով միջնորդություն չներկայացվեն, անհրաժեշտ հիմքեր ունենան, ապա դատարան միջնորդություն ներկայացնեն:

Ավանդաբար ընդունված կետերը թվարկելով՝ միջնորդություն է ներկայացվում, չի անհատականացվում, չի հիմնավորվում, քանի որ այլընտրանքայիններն էլ չի կիրառվում: Բայց պետք է ասեմ, որ վերջերս այդ հարցում տեղաշարժ նկատվում է: Գրավը՝ որպես խափանման միջոց, կիրառվում է, բայց այն առանձին չի գործում, դարձյալ որպես կալանավորման այլընտրանք է կատարվում:

Իրավական ի՞նչ հետևանք պետք է ունենա, անձի ազատության սահմանափակում:

Խուսափում են այլընտրանքայի խափանման միջոցներից, որովհետև դրանք չկան, ինքնուրույն չկան:

Դարձյալ պետք է ասեմ, որ այլ երկրներում տնային կալանքը կայացած խափանման միջոց է, և ես շատ լավ կարծիքի եմ, բայց այն ծախսատար կլինի պետության համար, որովհետև դա էլեկտրոնային հսկողությամբ պետք է իրականացվի: Վարչական հսկողությունն էլ կարելի է արդիականացնել տնային կալանքի նման, սահմանվի ինչ-որ սահմանափակումներ, բայց գոնե ՔԿՀ-ների այդ վատ պայմաններում չեն փակվի, չեն կտրվի աշխատանքից, ընտանիքից, ընկերներից: Ո՛չ օրենսդրական չափանիշներին, ո՛չ արտասահմանյան չափանիշներին, ո՛չ մարդկային չափանիշներին չեն համապատասխանում քրեակատարողական

հիմնարկների պայմանները, հատկապես Նուբարաշենի ՔԿՀ-ն: Դա խորհրդային ժամանակներից մնացած խայտառակություն է: Այն ընդհանրապես պիտի փակվի: Արմավիրինը՝ ոչինչ վատ չի:

Անչափահասների պարագայում մի քիչ մեղմ է, որովհետև կա խափանման մի միջոց՝ ծնողների վերահսկողությունը և բացի դա, անչափահասի հետ գործ ունենք: Ոչ միայն անչափահասների դեպքում, այլև ընդհանրապես, պետք է կալանավորումը որպես խափանման միջոց կիրառվի միայն առանձնապես ծանր հանցագործությունների դեպքում, անգամ ծանրի դեպքում միայն բացառիկ դեպքերում, անհատականացված:

Գրավի կրառման օրենսդրական կարգավորումը բավարար չէ և կրում է սուբյեկտիվ բնույթ: Սուբյեկտիվ էլեմենտներ միանշանակ է պարունակում, որը շատ վտանգավոր է և այդպես չպետք է լինի, պետք է չլինի: Պետք է գրավի բացառման հանգամանքները, այսինքն՝ երբ չի կարող գրավը կիրառվել, հստակ սահմանված է և ըստ դրա առաջնորդվում են՝ դրանով ավելի կանխատեսելի դարձնելով գրավի ինստիտուտը:

Գրավի չափերը, ըստ էության, պետք է լինեն ոչ ցածր, միջազգային փորձն է այդպիսին: Գրավը, իսկապես, լուրջ պարտականություն պետք է դնի անձի վրա, որ դրանով էլ ապահովի իր պատշաճ վարքագիծը: Եվ ենթադրենք, որ դեպքը վերաբերումա յուրացմանը, վատնմանը կամ տնտեսական բնույթի հանցագործություններին, ապա ենթադրյալ այդ վնասի պատճառած վնասի չափից բխեցնելով, պետք է որոշենք գրավի չափը, այլ ոչ ըստ իրավիճակի, ըստ անձի հնարավորությունների և այլն: Ենթադրենք, եթե անձին մեղադրանք է առաջադրվում հարյուր միլիոն դրամ պատճառված վնասի, ապա առնվազն գրավի գումարը պետք է սկսվի, ենթադրենք, հիսուն միլիոնից: Այսինքն դա որպես ելակետային միավոր պետք է հանդիսանա:

Ըստ էության՝ գրեթե բոլոր հարցերը սվեցիք, որոնք կարող էին վերաբերել խնդրին, երևի թե միակ հանգամանքը, որ կարելի է նշել, իսկապես կալանավորումը զուտ հանդիսանում է անձի պատշաճ վարքագիծը ապահովելու գործիք, այլ ոչ որևէ այլ նպատակ հետապնդող: Խոսքը գնում է նրա մասին, որ մենք գործ ունենք ոչ թե կալանավորման ընթացքում անձի մեղավորության հարցը բացահայտելու հետ, այլ պարզապես իր պատշաճ վարքագիծը ապահովելու, որը որևէ կերպ չպետք է նույնացվի անձի և արդեն իսկ մեղավորության հանգամանքի հետ: Անմեղության կանխավարկածի ռեժիմում ենք գտնվում ողջ նախաքննության և դատաքննության ընթացքում: Հետևաբար անձի նկատմամբ անձնական ազատության սահմանադրական իրավունքի սահմանափակում պետք է լինի միայն այն դեպքում, երբ մենք ունենք պատշաճ վարքագիծը ապահովելու խնդիր, այն էլ հստակ ապացուցելով, այլ ոչ թե ենթադրելով:

Շնորհակալություն